

宋遼金元方志輯佚

劉緯毅 王朝華 鄭梅玲 趙樹婷 輯

下

上海古籍出版社

宋遼金元方志輯佚

劉緯毅 王朝華 鄭梅玲 趙樹婷 輯

下

上海古籍出版社

湖北省

(鄂州)舊經 宋志

隋開皇九年(589)改郢州爲鄂州,治江夏縣(今武漢市武昌區),宋時轄江夏、武昌、蒲圻、崇陽、咸寧、通城、嘉魚七縣。

(茱萸山)唐存制禪師居之,以其多蛇虺毒物,故植茱萸避之,因名。《紀勝》卷六六《鄂州上·景物下》)

鄂州圖經 宋志

古武昌郡,《禹貢》荊州之域,楚地翼軫之分野,次爲鶉尾。((《紀勝》卷八一《壽昌軍·軍沿革》))

火耕水耨,以漁稻爲業,人多勁悍決烈。((《勝覽》卷二八《鄂州·風俗》))

(黃鶴樓)費禕登仙,嘗駕黃鶴返憩於此,遂以名樓。((《勝覽》卷二八《鄂州·樓亭》))

(呂蒙城)蒙嘗屯兵於此。((《新定九域志》卷六《鄂州》))

鄂州志 宋志

鄂州,楚地翼軫之分野。((《紀勝》卷三三《興國軍·軍沿革》))

(魯山)即今漢陽軍城。((《紀勝》卷七九《漢陽軍·景物上》))

(鄂州)事迹 宋志

望分江漢之雄，地兼吳蜀之利。（《紀勝》卷六七《鄂州·四六》）

浩渺波濤來舳艫於千里，崢嶸城壘屯貔虎以連營。（同前）

典刑尚存，乃僧孺士衡之舊治；文獻不足，有黃香元結之遺蹤。

（同前）

萬里雲屯一江天險，惟武昌大都會之邦，實江國最上流之地。

（同前）

北臨漢沔之邦，西接巴巫之道。（同前）

脊茲沔鄂之雄，實控江淮之勢。（同前）

(武昌路)圖冊 元志

元大德五年（1301）改鄂州路為武昌路，治江夏縣（今武漢市武昌區），轄江夏、咸寧、蒲圻、崇陽、通城、嘉魚六縣。

自往昔軍興，土民頗鮮存者。而西北之避地者萃焉。東南之趨利者輳焉。五方雜寓，家自為俗。（《寰宇通志》卷五〇《武昌府·風俗》）

(漢陽軍)舊圖經 宋志

後周世宗顯德五年（958）以漢陽縣置漢陽軍，北宋廢軍復縣。紹興七年（1137）復為軍。治漢陽縣（今武漢市漢陽區），轄漢陽、漢川二縣。

梁武帝築漢口城，以守魯山。^①（《紀勝》卷七九《漢陽軍·風俗形勝》、《勝覽》卷二七《漢陽軍·山川》）

（赤壁）《荊州記》云，臨嶂山南有烏林峰，亦名赤壁。（《紀勝》卷七九《漢陽軍·景物上》）

① 《勝覽》引書名曰“郡志”，而文字與《紀勝》所引全同，故隨《紀勝》。

(赤壁山)今江漢間言赤壁者有五:黃州、嘉魚、江夏、漢陽、漢川。其說各有所據,惟江夏之說近古而合於中。(《勝覽》卷二七《漢陽軍·山川》)

漢陽軍圖經 宋志

《紀勝》卷六九《岳州·風俗形勝》謂《漢陽軍圖經》,卷七九《漢陽軍》所引簡稱《圖經》。

在天文爲翼軫之分野。(《紀勝》卷七九《漢陽軍·軍沿革》)

(漢陽縣)周顯德中爲漢陽軍治。(《紀勝》卷七九《漢陽軍·縣沿革》)

(漢水)《三國志》以前,書傳多稱漢,而不言沔;《三國志》以後,書傳多稱沔而不言漢。漢沔特一水。(《紀勝》卷七九《漢陽軍·風俗形勝》)

(雲夢澤)雲在江之南北,江北爲雲,江南爲夢。(《紀勝》卷六九《岳州·風俗形勝》、《勝覽》卷二九《岳州·山川》)

古沔志一卷 (宋)史本纂

史本,寧宗時進士,仕至奉直大夫。《宋史·藝文志三》:“史本《古沔志》一卷。”《文淵閣書目》卷一九《舊志》:“《古沔志》一冊。”是志作於《漢陽軍圖經》之後,故《紀勝·漢陽軍》引稱《新經》。宋漢陽軍以古嘗爲沔陽、沔州、沔陽郡,故軍志雅稱古沔。

(魯山)上有橫江將魯肅祠。彼在三代時謂之大別山,不知因何又名魯山,豈魯肅廟食於此而名是山歟?^①(《紀勝》卷七九《漢陽軍·景物上》)

① 此條引書名曰“史本《新經》”,疑即《古沔志》,姑錄之。

(赤壁)今江漢間言赤壁者有五,黃州、嘉魚、江夏、漢陽、漢川。其說各有所據,唯江夏之說近古而合於史。漢陽之說蓋出於《荊州記》。漢川之說蓋以赤壁草市爲赤壁。草市說見於《元和郡縣志》。今其近處亦有烏林,而《唐漢陽圖經》云,赤壁城又名烏林,在漢川縣西八十里,跨漢南北,據此二說相去不遠,(同前)。

(赤板湖)在沔陽縣西南三十五里。((《大典》卷二二六一湖字)

(太白湖)在縣西南一百二十里。《水經》云,沌水上承沌陽之太白湖。((《大典》卷二二七一湖字)

漢川志 約元志

漢川縣名始於北宋太平興國二年(977)今因之。

漢川民樸略,春夏力農,秋冬業漁,蓋其地雲夢之藪。當春水泛漲,瀰漫百余里,農民遷近原隰耕墾。秋冬涸時,遷移居就下近湖泊,網羅爲業以自給。((《寰宇通志》卷五〇《漢陽府·風俗》)

武昌土俗編二卷 (宋)薛季宣纂

薛季宣,字士龍,永嘉人。歷知武昌、湖州,著有《春秋經解指要》、《詩性情說》等。《直齋書錄解題》卷八:“《武昌土俗編》二卷,武昌令永嘉薛季宣撰,記一縣之事頗詳。紹興辛巳、壬午間也。其邑今爲壽昌軍。”武昌縣名始於三國吳大帝時,歷爲武昌郡、江夏郡、壽昌軍治所,民國三年(1914)改名鄂城縣,即今鄂州市。

山川

(回山)唐天寶十三年,積雨之後,回山之巔,忽有飛泉湧出,垂流四百仞。元結名之曰吳泉,因爲作《吳泉銘》。((《紀勝》卷三三《興國軍·景物上》)

(峴山)蘇軾《西山詩》序,九曲亭即吳王峴,山皆櫟葉,其旁即元

結陂湖也。荷花極盛。（《壽昌乘·峴》）

（西塞山）吳楚舊境，孫策擊黃祖子射，曹王皐復淮南砦於此。張志和《漁父詞》：西塞山邊白鷺飛。即此。（《紀勝》卷八一《壽昌軍·景物下》）

（武昌山）今縣名疑因山以得之。（《紀勝》卷八一《壽昌軍·景物下》）

（虎頭山^①）上枕虎頭，下瞰南湖，一佳勝也。（《紀勝》卷八一《壽昌軍·景物下》、《寰宇通志》卷五〇《武昌府·山川》）

（樊山戍）吳晉以來戍守，有戍主統之。及唐有樊山府，府兵雖置。僞吳、僞唐時爲樊山北石。（《紀勝》卷八一《壽昌軍·古迹》）

（釣臺）在吳城釣臺門北大江中。（《壽昌乘·古迹》）

城池

（吳大城）漢將軍灌嬰所築。（《壽昌乘·城》）

（梅城）黃武二年城之，黃龍中廢。（同前）

宮苑

（避暑宮）至今無暑氣，有吳王讀書堂在寒溪山間。王伯虎詩：“離宮避暑今安在，英雄埋沒隨空埃。”（《紀勝》卷八一《壽昌軍·古迹》）

南樓，即今武昌縣吳安樂宮之端門也。（《紀勝》卷八一《壽昌軍·景物上》）

古迹

（窰樽）在陶公宅基中。有黑石中如杯樽狀，杯樽在郎亭山下，即

① 虎頭山：《寰宇通志》作“鳳凰臺”。

山西乳石有窟，因修以藏酒。孟仕源愛之，命爲杯樽，則窟樽自是一物也。（同前）

（夷市）晉西陽有豫州五水蠻，陶侃爲武昌太守，作夷市於吳城東，以爲交易之所，大獲其利。（同前）

馬祖禪師初寓於禪房寺，又徙於新開，二處皆其道場也。（《紀勝》卷八一《壽昌軍·仙逝》）

武昌志三十卷（宋）王信修 許中應等纂

王信，字誠之，麗水人。紹興三十年（1160）進士，寧宗時知鄂州。《直齋書錄解題》卷八：“《武昌志》三十卷，郡守括蒼王信成之，命教授許中應等撰。”

後唐遙改武昌爲武清軍，而南唐自曰武昌。（《紀勝》卷六六《鄂州上·州沿革》）

（魚岳山）在嘉魚西一里。（《紀勝》卷六六《鄂州上·景物下》）

（東方山）漢東方朔之故隱也，今有東方寺，乃唐智隱禪師道場。（《紀勝》卷三三《興國軍·景物下》）

蒲磯山今在嘉魚縣境，蓋蒲圻縣初置於此。（《通鑑》邵陵厲公正始七年“自武昌以西至蒲圻”胡注）

曹操自江陵追劉備至巴丘，遂至赤壁，遇周瑜兵大敗，取華容道歸。赤壁山，在今嘉魚縣，對江北之烏林。（《通鑑》獻帝建安十三年“與操遇於赤壁”胡注）

（紹興）十一年二月，岳飛被召以御前中軍統制。（《古今合璧事類備要後集》卷七五《將帥門·都統》）

介象，會稽人也。學道入東山，治度世禁氣之術。吳王召至武昌。汲水垂綸，邵得緇魚作鮓，使人市蜀薑，登時即至，吳主甚敬之。後病，日中時死，晡時至建康發棺，視之唯一符耳。（《紀勝》卷一〇《紹興府·仙釋》）

(武昌軍)舊經 宋志

南宋嘉定五年(1212)置武昌軍,治武昌縣(今鄂州市),十五年改爲壽昌軍。

(窠樽)郎亭山下石有窠顛者,元結修以藏酒,因名之。((《紀勝》卷八一《壽昌軍·景物上》))

(壽昌軍)圖經 宋志

南宋嘉定十五年(1222)改武昌軍爲壽昌軍,治所未變。

宋齊皆爲武昌郡。((《紀勝》卷八一《壽昌軍·軍沿革》))

昔杜預嘗恐吳徙都武昌,修備諸城積大船於夏口,則計無所及。((《紀勝》卷八一《壽昌軍·風俗形勝》))

(西山)有西山寺。《九曲亭記》所謂山有精舍,西曰西山,東有寒溪是也。((《紀勝》卷八一《壽昌軍·景物上》))

(壽昌軍)郡志 宋志

晉庾翼欲移鎮樂鄉,王述與庾冰箋:武昌實江東鎮戍之中,非但捍禦上流而已。((《勝覽》卷二八《壽昌軍·形勝》))

吳王有避暑殿,在寒溪山間。西山寺即故基。((《勝覽》卷二八《壽昌軍·山川》))

(釣臺)孫權常整陣於釣臺。(同前)

天寶中泉出山巔,垂流四百仞,元結命曰異泉。((《勝覽》卷二八《壽昌軍·井泉》))

(黃州)志 (宋)張耒撰

張耒,字文潛,淮陰人,弱冠第進士。歷知潤州、汝州。紹聖中年謫監黃州酒,後爲黃州通判。《寰宇通志·黃州府》引書名

爲《宋張耒志》，當爲《黃州志》。黃州，隋開皇五年（585）改衡州置，宋時治鍾離縣（今黃州市），轄鍾離、定遠二縣。

黃州，蓋楚東北國之鄙，與蘄、鄂、江、沔、光、壽一大藪澤也。

（《寰宇通志》卷五一《黃州府·形勝》）

其民有魚稻之利，農惰而田事不修。（《寰宇通志》卷五一《黃州府·風俗》）

（黃州）圖經 宋志

（濠水）隋開皇三年，改鍾離爲濠州，州臨濠水，故名。（《紀勝》卷四九《黃州·景物上》）

齊安志二十卷 （宋）呂昭問修 厲居正纂

《宋史·藝文志三》：“厲居正《齊安志》二十卷。”《直齋書錄解題》卷八：“《齊安志》二十卷，郡守呂昭問俾教授厲居正重修，慶元己未也。”黃州以唐天寶至乾元年間曾爲齊安郡，故宋人修州志以唐郡名。

沿革

禹貢荊州之域。（《紀勝》卷四九《黃州·州沿革》）

形勝

通接巴蜀，襟帶江^①漢，介乎淮楚之交。（《勝覽》卷五〇《黃州·形勝》、《元勝覽》卷中《黃州路》、《明一統志》卷六一《黃州府·形勝》）

① 江：《元勝覽》作“湘”。

古迹

(白沙關)在麻城縣。(《紀勝》卷四九《黃州·景物下》)

(春草亭)門外猶有春草亭故基，韓魏公所爲作春亭者是也。
(同前)

(古邾城)楚人伐邾，俘其民，徙其君於黃之故墟，築城居之，號曰邾城。今在黃岡西北一百二十里。(《紀勝》卷四九《黃州·古迹》)

(岐亭河)今有岐亭鎮。(同前)

(女王城)初春申君相楚，受淮北十二縣之封。以其地介於蘄春、申息之間，故曰春申，今之女王城，蓋昔之楚王城之訛耳。東坡有詩序云：正月二十日往岐亭，郡人潘、方、郭三人送余於女王城，唐禪在院。(同前)

齊安拾遺一卷 (宋)許靖夫纂

《宋史·藝文志三》：“許靖夫《齊安拾遺》一卷。”《紀勝》卷四九《黃州·碑記》：“《齊安拾遺》，許端夫編。”

(赤壁)以赤鼻山爲赤壁，以三江下口爲夏口，以武昌縣華容鎮爲曹操敗走華容道。(《紀勝》卷七九《漢陽軍·景物上》、《勝覽》卷五〇《黃州·山川》)

(蘇軾)郡多名賢至此，王內翰以文章事業超冠今古，舉世之人謂之王黃州。蘇端明軾居此五年，題詠著書最多，時亦謂之蘇黃州。(《紀勝》卷四九《黃州·官吏》)

(蘄州)圖經 宋志

蘄州始名於南朝陳，宋時治於蘄春縣(今縣)，轄蘄春、廣濟、黃海、羅田、蘄水五縣。

(黥布父母墳)在廣濟縣南。《晉書》云：寧康元年因新蔡縣人廣濟舊

城置新蔡郡，城中有黥布父母墳。（《紀勝》卷四七《蘄州·古迹》）

（德安府）舊經 宋志

北宋宣和元年（1119）昇安州爲德安府，治安陸縣（今安陸市），轄安陸、應城、孝感、雲夢四縣。

（董城）吉陽縣城本名董城，因孝子董黯得名。（《紀勝》卷七七《德安府·古迹》）

（德安府）圖經 宋志

（孝感縣）因孝子董黯立名也。西魏置岳州及岳山郡。開皇初廢，以孝昌縣屬安州。後唐改孝感，避廟諱也。（《紀勝》卷七七《德安府·縣沿革》）

（故吉鄉縣）開寶二年廢爲鎮，隸孝感縣。（《紀勝》卷七七《德安府·古迹》）

（鄧通墓）通在景帝時沒人家財，流落至此（九巖）山也。（同前）

（鰻井）僧妙機住潤州甘露寺，乏水，就山腰浚井，得鰻魚二，至今祈禱，即此井也。（《紀勝》卷七《鎮江府·景物上》）

（晉董黯墓碑）即董城，在孝感縣北一百三十里。昔孝子董黯家焉。故後魏大統十六年改爲董城郡。（《紀勝》卷七七《德安府·碑記》）

鄖城志十二卷 （宋）李楫修 傅巖纂

《宋史·藝文志三》：“傅巖《鄖城志》十二卷。”《直齋書錄解題》卷八：“《鄖城志》十二卷，教授傅巖撰，慶元戊午，太守李楫序。”宋安陸縣（今安陸市）以有楚昭王時鄖公所築之城，故縣志以鄖城名。

李白喜雲夢之勝，留此邦三年。李白娶安陸人許圜師孫女。

(《紀勝》卷七七《德安府·風俗形勝》)

(根子菜)根似蔓菁而大,又似蘿蔔,俗呼根子菜。他處皆無,惟安陸有之。(《紀勝》卷七七《德安府·景物下》)

(楚襄王廟)秦嘗拔西陵,襄王復取之,故立廟。(《紀勝》卷七七《德安府·古迹》)

(范純仁)學校門:范純仁通守安州,益爲敕條,日有課,月有最,出入起居,動循法度。安陸由是多學者。(《紀勝》卷七七《德安府·官吏》)

僧仲殊初至吳姑蘇,臺柱倒書一絕云:“天長地久大悠悠,爾既無心我亦休。”東坡見之疑神仙所作,是後與坡爲莫逆交。(《紀勝》卷五《平江府·詩》)

(隨州)舊經 宋志

西魏廢帝三年(554)改并州爲隨州,隋唐曾易名漢東郡,乾元元年(758)復爲隨州。宋時治隨縣(今隨州市),轄隨、應山二縣。

(隨縣)後漢初起兵平林,即此邑。今邑東有平林鄉。(《紀勝》卷八三《隨州·縣沿革》)

(三女山)下有洞,有三女於此學道並得仙,故名。(《紀勝》卷八三《隨州·景物下》)

(石庵山)上有圓石,望之如庵,故名。(同前)

(覆手山)一峰五澗,遙望狀如覆手。(同前)

(隨州)圖經 宋志

《禹貢》豫州之南境。(《紀勝》卷八三《隨州·州沿革》)

漢初立爲隨縣。(同前)

晉惠帝置隨郡。(同前)

隋文帝時郡廢。(同前)

(唐)隸山南東道。(同前)

(隨縣)嘉定十二年昇棗陽爲軍,割棗陽之桐柏鎮來屬。((《紀勝》卷八三《隨州·縣沿革》))

今邑東平林鄉,即(漢)王常起兵之所。((《紀勝》卷八三《隨州·風俗形勝》))

(故光化縣)南齊置安化縣,西魏改爲新化,後周改爲光化,熙寧廢爲鎮,隸隨縣。非今之光化軍也。((《紀勝》卷八三《隨州·古迹》))

(光武帝廟)在(棗陽)縣東三里。((《紀勝》卷八八《棗陽軍·古迹》))

(隨州)氏族編 宋志

(宋綬)字公垂,隨州平棘人。召試中書,真宗奇其文,聽於秘閣讀書,召試學士院,與父皋同在館閣,世以爲榮。爲正言,比敕令下,釋逋負,未報者六十八州,綬請限半月以聞。於是得脫械者三千二百人,除逋負數百萬。子敏求。((《紀勝》卷八三《隨州·人物》))

漢東舊志 (宋)林藪纂

《紀勝》卷八三《隨州·碑記》:“《舊志》,林藪序。”宋隨州(今隨州市),以隋唐時曾爲漢東郡,故州志以古郡名。隨州,治隨縣(今隨州市),轄隨、應山二縣。

隨州有廢光化縣,非襄陽之光化也。((《紀勝》卷八七《光化軍·風俗形勝》))

漢東新志 (宋)董之奇纂

《紀勝》卷八三《隨州·碑記》:“《新志》,董之奇志。”《千頃堂書目》卷七:“董之奇《漢東新志》。”諸書佚文所引均稱《漢

東志》。

形勝

介襄、郢、申、安之間。（《紀勝》卷八三《隨州·風俗形勝》、《寰宇通志》卷五一《德安府·形勝》）

（隨州）四境環之以山，如囊橐然，入而難於出也。（《紀勝》卷八三《隨州·風俗形勝》）

古迹

孟城。落城。昌城。（《紀勝》卷八八《棗陽軍·景物上》）

亭子坡。栲栳寨。拜郊臺。（《紀勝》卷八八《棗陽軍·景物下》）

（卧牛臺）世傳漢光武帝騎青牛於此。（同前）

（壽山）昔山民有壽百歲者，故名之。（《紀勝》卷七七《德安府·景物上》）

（隋文帝宅）在州城西南。自隋文帝龍興之後，山名曰龍居。（《紀勝》卷八三《隨州·古迹》）

官吏

錢惟演，以崇信軍節度歸本鎮。惟演出於勛貴，文辭清麗，名與楊億、劉筠相上下。（《紀勝》卷八三《隨州·官吏》）

（棗陽軍）圖經 宋志

宋紹興十二年（1142）置棗陽軍，治棗陽縣（今棗陽市）。

（漢）武帝封長沙王子買為舂陵侯，至戴侯仁以舂陵地形下濕，上書請徙南陽。元帝許之，以蔡陽之白水、上塘二鄉，徙仁為舂陵侯。光武其後也。故張衡賦曰白水龍飛。是也。晉改舂陵曰安昌郡，隋屬昌州。（《勝覽》卷三三《棗陽軍·形勝》）

(光武宅)有城一座,在縣南三十里,名曰城,又名昌城。城北有臺,高二丈。上有一石,方圓一丈。(《紀勝》卷八八《棗陽軍·古迹》)

襄棗戰守編 宋志

襄陽、棗陽,唇齒相依,歷為荆襄戰略要地。

襄峴為今臣鎮,而棗陽又襄外屏。(《紀勝》卷八八《棗陽軍·風俗形勝》)

隨、郢可壯藩屏,荆、襄密護風寒。(同前)

榆陂。觀崗。鐵山。袞河。濁河。(《紀勝》卷八八《棗陽軍·景物上》)

櫟林崗。八廟灣。九十九崗。栢家山。(《紀勝》卷八八《棗陽軍·景物下》)

襄州記^① 宋志

西魏恭帝元年(554)改雍州為襄州,治襄陽縣(今襄樊市襄陽城)。北宋時轄襄陽、鄧城、宜城、中廬、南漳五縣。宣和元年(1119)昇為襄陽府。

(桃林)桓冲^②北伐,頓軍於此。是時食桃,至春其核萌生,遂成茂林,故曰桃林渡。^③(《紀勝》卷八二《襄陽府·景物上》、《大元大一統志》卷三五六《襄陽路》)

(襄州)舊經 宋志

(宋孝武帝宅)馬鞍山,宋孝武帝所生處。(《紀勝》卷八二《襄陽

① 襄州記:《大元大一統志》作《襄陽州記》,古無襄陽州,據《紀勝》改。

② 桓冲:《紀勝》誤作“相冲”。

③ 故曰桃林渡:《大元大一統志》脫。

府·古迹》)

(文選樓)梁昭明太子所立。以撰《文選》聚才人賢士劉孝威、庾肩吾、徐防、江伯操、孔敬通、惠子悦、徐陵、王囿、孔樂、鮑至等十餘人，號曰高齋學士。今在古城正南，去山南東道一百五十步，基址猶存。(《紀勝》卷八二《襄陽府·古迹》、《大元大一統志》卷三五六《襄陽路》)

(聖木)在武當縣東洲渚江漢中，長五丈。(《大元大一統志》卷三六〇《均州》)

其俗樸陋。(《明一統志》卷六〇《襄陽府·風俗》)

(襄陽府)圖經 宋志

北宋宣和元年(1119)昇襄州爲襄陽府，治所未變，轄襄陽、穀城、宜城、南漳四縣。

(東晉)孝武始於襄陽僑置雍州。又立京兆、扶風、始平、河南、廣平郡，皆寄治襄陽。(《紀勝》卷八二《襄陽府·府沿革》)

咸平初，真宗潛藩昇襄陽尹。(同前)

樊城在漢江北，與襄陽峙立。今城內東北角廟基尚存。(《大元大一統志》卷三五六《襄陽路》)

孟浩然居。(《紀勝》卷八二《襄陽府·古迹》)

襄陽志四十卷 (宋)高夔修 劉宗、任汾纂

高夔，朐山(今江蘇連雲港市)人，知襄陽府。劉宗，吳興人，教授。任汾，上蔡人。《宋史·藝文志三》：“劉宗《襄陽志》四十卷。”《直齋書錄解題》卷八：“《襄陽志》四十卷，郡守朐山高夔命教授吳興劉宗、幕官上蔡任汾編纂爲書，既詳備，而刊刻亦精緻，圖志之佳者。”《千頃堂書目》卷七：“高夔《襄陽志》四十卷。”